

己酉

南洋實報

第五十二期

諭旨恭錄

中外電報

京朝法政

學部 奏籌建京師圖書館摺

兩江奏牘

督部堂張 准學部咨山東青島設立特別高等學堂陳明辦理情形並商訂章程認籌經費文（錄原奏）●又札甯藩司據署淮揚海道等會稟查勘下河各州縣水勢情形文（附原稟）●又申禁江甯府屬之高濱等縣菜市販私示文●又嚴禁私運米糧出口示文●又批金陵釐捐總局詳復賑糶米糧照案暫收釐金事竣分別撥還由（錄原詳）●又批蘇屬清理財政局詳送調取各處冊件期限表說並該局辦事進行表說由●又批阜邑紳士王振金等稟朦包灘租再委密查由●又批海州自治調查所職員殷克勤等稟設商船公會餘款補助自治經費請飭保護由●又批無爲州監生汪光祖稟義舉累重懇求減繳開釋由●甯藩司樊 札行巡檢張式璜稟請咨送法政學堂插班補習碍難照准文●



又批銅山縣文生陳鴻湘稟控王惠齋修橋挖墓一案由●又批監生顧魯珍稟押繳不遵書差賄脫抄叩提追由●又批民人李廣興等稟夥同拐賣絕人宗支請嚴訊勒交由●又批文生周信功等稟書門一局民不聊生公叩飭提究辦由●甯屬清理財政局 移詢甯省鐵路建築項下收支各款多不明晰請查明見復文一并黏單一●又札飭湖口船廠將增銷一款刻日明白具復以憑核編文●江南籌辦地方自治總局 批自治研究所自費班畢業生陳鼎昌等稟前稟無效再公推代表求示祇遵由●又批江都甘泉兩縣申報江甘籌辦地方自治公所現已成立並呈規約及辦事調查各員姓名摺乞賜查考由

藝文存略

張文襄公遺摺

八月三十日

監國攝政王鈐章奉

上諭各省諮議局爲採取輿論之所仰蒙 德宗景皇帝欽奉 孝欽顯皇后懿旨飭辦朕御極後繼述前徽責成內外諸臣依限辦理業據各省陸續奏報諮議局選舉事宜均已照章籌辦完竣茲屆九月初一日各省召集議員開議之期用特重申誥誡各該諮議局議員於地方利弊情形均當切實指陳妥善計畫務各恪遵前奉 懿旨勿挾私心以妨公益勿逞意氣以紊成規勿見事太易而議論稍涉囂張勿權限不明而定法致滋侵越各該督撫亦當虛心採納裁度施行以期上下一心漸臻上理至開局以後各該督撫尤應欽遵定章實行監督務使議決事件不得踰越權限違背法律共摠忠愛以圖富強上以副朝廷勤求民隱之衷下不失官民守分盡職之義朕實有厚望焉著將此諭敬謹繕錄懸掛各省諮議局議場一體欽遵欽此 軍機大臣署名

九月初一日

監國攝政王鈐章奉

上諭郡王銜多羅貝勒載洵載濤均著賞給郡王爵章多羅貝勒毓朗著賞給貝勒爵章不入八分輔國公銜鎮國將軍載攬溥侗均著賞給不入八分輔國公爵章欽此 軍機大臣署名

初二日

監國攝政王鈐章奉

上諭河南河北鎮總兵員缺著謝寶勝署理欽此 軍機大臣署名

中外電報

外電錄要

栢靈電 各國已在比京勃魯賽爾開會修改海軍律

路透電 英國郵政局大臣柏斯頓君在下議院發言政府已與馬貢釐公司商妥收回該公司在英國

沿海所設之無線電報局核估價銀一萬五千鎊英金并商妥購買勞德之無線電報局

倫敦電 英國是年夏季進款二千九百七十三萬一千一百九十四鎊英金比諸上年夏季增多四十

二萬一千一百八十六鎊英金

倫敦電 德國續核一千九百零九年國用需英金二十五兆鎊刻據西八月分核算所得僅有英金十

四兆鎊實不敷用因募公債為之彌補現已募及英金二百五十兆鎊

倫敦電 德國蘇烈地方賽演氣球美國人得高登賓力君之賞物其所乘之氣球由蘇烈騰高向戈梳

飛越八百餘英里在戈梳城之米北落地計時在空中五六點鐘之久

路透電 土耳其特派外務大臣來弗爾特巴沙前往俄國現已行抵克利米亞之黎哇的亞地方與俄

外務大臣伊斯吳爾斯克伊相見土京科魯尼斯克報謂來弗爾特巴沙受有全權與俄協議政治陸軍

諸事至許令俄國軍艦過大丹尼爾海峽之約亦須議及且須酌定土皇與俄帝相見之期

東京電 據國重行組織內閣一事將於西十一月舉行

學部 奏籌建京師圖書館摺

奏爲籌建京師圖書館擬懇 天恩賞給熱河文津閣所藏四庫全書並 飭下奉宸苑內務府撥與淨業湖暨滙通祠各地方以便興建而廣文治恭摺仰祈 聖鑒事伏查本年閏二月臣部奏陳預備立憲分年籌備事宜本年應行籌備者有在京師開設圖書館一條奏蒙 允准欽遵在案自應卽時修建館舍搜求圖書俾承學之士得以觀覽惟是圖書館爲學術之淵藪京師尤繫天下觀聽規模必求閎遠蒐羅必極精詳庶足以供多士之研求昭同文之 盛治我 國家稽古右文遠邁前代

聖祖仁皇帝

世宗憲皇帝臨雍講學特頒圖籍藏之成均

高宗純皇帝開四庫之館薈

萃載籍建閣儲藏著錄之數綜十六萬八千冊又於熱河及鎮江揚州杭州等處並建藏書之閣

頒給四庫全書各一分士子就閣讀書得以傳寫所以嘉惠藝林啟牖後學者至周至渥嗣後東南三閣悉燬於兵私家藏書往往流播海外近年各省疆臣間有創建圖書館購求遺帙以供衆覽者江甯省城經調任督臣端方首創盛舉不惜巨款購置杭州丁氏八千卷樓藏書存儲其中卷帙旣爲宏富其中尤多善本並購得湖州姚氏揚州徐氏藏書數千卷運寄京師以供學部儲藏並允仍向外省廣爲勸導搜采茲者京師創建圖書館實爲全國儒林冠冕尤當旁搜博采以保國粹而惠士林無如近來經籍散佚徵取良難部款支絀搜求不易且士子近時風尙率趨捷徑罕重國文於是秘籍善本多爲海外重價鈎致捆載以去若再不設法蒐羅寶存數年之後中國將求一刊本經史子集而不可得馴至道喪文敝患

氣潛滋此則臣等所惴惴汲汲日夜憂懼而必思所以挽救之者也竊查 中秘之書 內府 陪都而外惟熱河 文津閣所藏尙未遺失近年曾經熱河正總管世綱副總管英麟查點一次與 避暑

山莊各殿座陳設書籍一併查明開單具奏在案擬懇 聖恩俯准將 文津閣四庫全書並

避暑山莊各殿座陳設書籍一併 賞交臣部祇領敬謹建館存儲庶使嗜奇好學之士得窺石室金

匱之藏實於興學育才大有裨助至建設圖書館地址必須近水遠市方無意外之虞前經臣等於內城地面相度勘尋惟德勝門內之淨業湖與湖之南北一帶水木清曠迴隔囂塵以之修建圖書館最爲相宜尤足以昭穩慎擬於湖之中央分建四樓以藏四庫全書及宋元精槧另在湖之南北岸就匯通祠地方並另購民房添築書庫二所收儲官私刻本海外圖書勿庸建造樓房以節經費其士人閱書之室館員辦事之處亦審度地勢同時興修查淨業湖匯通祠兩處向歸 奉宸苑暨內務府經理擬懇 天恩飭下奉宸苑暨內務府將淨業湖匯通祠各地址移交臣部以便尅期興築該處水面頗寬並擬督飭該館會商 奉宸苑隨時疏濬以期上無礙於水源下不慮其淤塞並祈 飭下熱河都統將臣部所

請書籍檢齊齎送到館以備尊藏至各省官局刻本卽由臣部行文咨取藉供蒐討至圖書館開辦以後如有報効書籍及經費者擬請援照乾隆時進書之鮑廷博光緒時進書之廣東高廉道陸心源獎勵成案由臣部視其書之等差及款數之多寡分別請獎以示鼓勵如蒙 俞允卽由臣部咨行各該衙門

暨各省督撫遵照辦理並督飭該館監督提調等迅速籌辦冀得早日觀成將見琳瑯美富蔚爲大觀上以贊 聖朝崇文之化下以饜士林求學之心竊謂裨益於全國教育者良非淺鮮似亦維持世道人

兩江奏稿
督部堂張 准學部咨山東青島設立特別高等學堂陳明辦理情形並商訂章程認籌經費文

〔錄原奏〕

欽奉事宣統元年六月二十九日本部具奏山東青島設立特別高等學堂陳明辦理情形並商訂章程認籌經費一摺奉 旨依議欽此相應恭錄 諭旨黏連原奏章程咨行貴督欽遵可也須至咨者

奏爲山東青島設立特別高等專門學堂謹將先後磋商情形并商訂章程認籌經費數目恭摺具陳附繕清單仰祈 聖鑒事竊臣部前准外務部咨稱准出使德國大臣孫寶琦咨稱准德外部照稱

近年中國士子講求西學不遺餘力德國政府擬在青島建立學堂一所培養中國子弟并使有志留學而財力不逮者可在本國內肄習泰西各種新學大概擬先建大學一所內分四科一工程製造科二醫科三政治法律科四農林科並設預備一科先籌常年經費七萬五千馬克開辦經費三十萬馬克深望中國政府竭力贊助遣派合格學生並承認在堂畢業之憑照兼爲該生等籌將來之出路等因到部正在核辦旋准出使德國大臣函稱德國政府議在青島設立學堂用意甚善且遴派能通華語專員來京商定章程具徵睦誼似應力爲贊成並由山東歲籌津貼之款等因前來查臣部歷辦成案凡外國人在中國設立學堂者一概不與立案蓋以外國學堂宗旨既迥然不同課程自難以一致故不准其立案惟此次德國在青島設立學堂係其政府之意與私立者不同而且籌定巨資遴派專

員來華商定章程亦非私立學堂家自爲學者可比因與外務部反覆籌商擬定俟其專員來華由臣部派員與之開議果其宗旨不悖課程皆符能由中國派員駐堂稽察自應准其立案並擬酌籌開辦常年各經費用以酬答與國之情並爲實行考核之地與外務部甫經商定嗣德國所派專員福蘭格卽於是時來華送呈草章由外務部轉咨前來臣等詳加察閱大致學堂分爲兩級一爲預備科一爲高等大學學堂監督各員皆由德政府選派並不由中國派員考察每逢考試僅有中國學部派員監視學生畢業則請獎以進士出身均與臣部章程權限有礙惟申明學堂嚴禁傳教課程兼重中學實爲外人在中國設立學堂所無是所望雖不無稍奢而宗旨尙無差異臣等公同商酌竊以爲大學名稱未便輕予假借學生功課學堂章程若不由中國派員駐堂稽察久必漸成具文學生入堂之始若不由山東提學使選送誠恐以中學毫無根柢者充數其間學生畢業之時若不由中國派員會同考試誠恐以程度未能適合者濫邀升拔至學生畢業或准升大學或酌量任使已足以示殊異礙難議及出身凡此數端關係極爲重要若不預爲訂定必致流弊滋多因卽遴派司員推本此意與之開議旋據該員等與之反覆磋商始議定其學堂名稱定名爲青島特別高等專門學堂學生入堂肄業皆由山東提學使考送中學教員由山東提學使選擇薦舉學堂考試由學部派員會考學堂管理各項章程皆照奏定學堂各項章程辦理并由臣部派總稽察一員常川住堂考察學堂辦法與章程是否

礙且可爲教育前途之助並足以聯絡邦交因卽令該員等轉告福蘭格青島學堂章程果能按照此
次所議辦理學部極願贊成卽由學部認籌開辦經費四萬馬克常年經費四萬馬克以十年爲限等
因去後嗣由德使改訂青島特別高等專門學堂章程十八條由外務部轉咨到部臣等再加詳核實
係照議改定卽由臣部核准立案咨行外務部照會德使查照現准外務部咨准德使照稱青島特別
高等專門學堂擬於本年西十月間開辦等因前來理合將該堂章程十八條另繕清單恭呈 御
覽至認籌經費一節其開辦經費四萬馬克由臣部籌撥其常年經費四萬馬克因臣部款項支絀電
商直隸總督山東巡撫每年臣部認籌一萬馬克直隸山東各認籌一萬五千馬克均經各該省電允
按年籌撥現值該學堂開學在卽開辦經費卽由臣部匯寄山東巡撫轉交該學堂收領常年經費以
今年爲始按期匯寄山東巡撫轉交以重學務而善邦交所有陳明山東青島特別高等專門學堂礎
議情形並商訂章程認籌經費各緣由謹恭摺具陳伏乞 皇上聖鑒謹 奏

青島特別高等專門學堂章程清單

第一條 本學堂係中德兩國政府合辦中國協籌開辦經費四萬馬克常年經費四萬馬克惟中國
所籌常年經費以十年爲限十年以後再行續議 第二條 本堂定名特別高等專門學堂設在青
島分爲兩班一初級習普通學二高等班習專門學各班皆設中國各科功課與西學各科功課相輔

而行 第三條 預備班六年畢業其課程爲德文各國歷史各國地志算學植物動物格致化學等至中國經學文學人倫道德歷史輿地各科功課將來另訂細章畢業時一律考試 第四條 高等班分四門一法政科二醫科三工科四農林科各科德文華文仍舊接授 法政科三年畢業課程爲國際公法各國政治學行政法度支律路政律國民經濟學理財學 醫學限四年畢業復試習一年以本埠之病院爲實施之所 工科三年或四年畢業其課程爲機器製造學上層建築學鐵路建築學礦學電學皆取就近之船廠與礦路公司爲參觀之資 農林科三年畢業其課程爲林學畜牧法農圃機器使用法等項每科畢業皆舉行考試一次中學各科功課別有詳章 第五條 本學堂學生應由山東管理學務衙門考選送入以高等小學堂畢業者爲合格如德國官府欲送學生入堂肄業須先送山東管理學務衙門考驗是否與高等小學堂畢業者相等再由山東管理學務衙門送入肄業 第六條 本學堂學生皆在堂住宿學生服制悉照奏定學堂冠服章程以歸劃一 第七條 預備班最末級之學生以十三歲以上十五歲以下高等小學堂畢業者爲合格其已諳外國文與否暫不具論 第八條 預備班畢業後聽其擇習高等之各學科如另有他項中學堂畢業學生欲入高等班者須考試其程度與本堂預備班程度相等者然後收入 第九條 預備班學生每年學費若干元房飯金若干元高等班每年學費若干元房飯金若干元惟習醫科者另加若干元皆每半

奏定章程妥定細則以便遵守 第十二條 學生如有違背規則按其情節輕重遵照奏定學堂禁令章程辦理 第十三條 凡有在本學堂傳教者在嚴禁例 第十四條 本堂設監督一員由德國選派總理全堂事務自監督以下所有管理員及華洋教員悉由本學堂支給薪水另設總稽察一員由中國選派常川住堂考察學堂辦法與本堂章程是否符合呈報中國管理學務衙門備核並稽察中學教員是否合度學生功課品行如何告知監督酌辦該總稽察不歸監督節制 第十五條 中國經學文學人倫道德歷史輿地等科教員應由山東管理學務衙門選擇薦舉德國官府確知有中學優長之教員亦可薦由山東管理學務衙門考核合格後一律聘用 第十六條 本學堂既由中政府立案認可隨時應由山東省視學官一律視察每逢考試由北京學部派委員來堂會考以昭鄭重並於畢業文憑會同監督總稽察簽押 第十七條 本學堂學生畢業後如願升入中學大學堂肄業將來在大學堂畢業後准其與大學堂學生一律給獎其畢業生不願升入及不能升入大學堂者不給獎勵惟中國官府得以酌量任使 第十八條 儘速設法附設譯書局一所將德文各項教科書譯成華文

督部堂張 札甯藩司據署淮揚海道等會稟查勘下河各州縣水勢情形文 (附原稟)

札飭事據署淮揚海道吳道學廉委員袁道照藜總辦隄工局耆道康會稟稱伏汛水漲先後啓壩並查

勘下河各州縣水勢情形等情到本部堂據此當批察閱正副各稟至爲詳晰此次運河盛漲爲數十年來所未有該道等初持守壩之議堅忍卓絕迨事勢危急不得已而始開放原以民命尤重於民食兩害相形甯取其輕實非孟浪從事者可比賴下河底水尙淺壩水下注猶能消納各屬秋收仍無大碍此乃天幸又非人力所能致矣悠悠之口無足重輕但求理得心安何恤他人論議惟江北水利極宜講求頻年漫溢爲災迭辦蠲振議者或咎河身之淤淺或言堤岸之凋殘今濬河工程歸鍾守元棣專辦而程工既緩收效何時修築兩堤上年已估定工費而西堤復損又須加工款絀費繁兼營非易究竟加辦挑濬增修西堤何者宜先何者宜後若兩事并舉需費又當若干該道等熟悉情形仍望妥籌具復至下河低田既係祇種早稻今當如何規復舊章以杜鄉民徇利忘害之見興化高郵窪下之區既無圩埂今當如何督勸加築以免壩水淹田害稼之虞亦應由吳道督同該地方官妥議章程詳候批飭遵照其高郵湖西與阜甯濱海各庄被水均已飭司撥款撫卹實應情事雖與高郵畧同惟縣稟未得其詳仍飭勸復核奪此外收成較歉各屬應如何分撥糶糧該道并卽查明開摺稟候行司酌核辦理其釐剔災熟酌議蠲緩仍飭各該管知府督飭各牧令復勘明確照章造冊詳辦仰卽遵照仍候札行江甯藩司查照并候撫部院提部堂批示繳摺存除印發外合行札飭札到該司卽便查照此札

敬稟者竊職道照藜於六月二十七日奉憲台札以高郵一帶迭據吳耆二道電稟該處水漲風狂危

提難保二十三日已開車選購二十五日續啓南新書究竟宣洩之後該處水漲風狂已否

奉電同前由又續奉憲台陽電內開歌電悉西堤殘缺多處亟應加工修復至下游各屬曾否被淹田禾有無傷損及高寶兩邑湖河暴漲漫溢各情形應由該道等會同袁道分晰具稟務須將此次始末細情逐一叙明以憑會同入告勿稍含糊各等因奉此職道照藜於初一日早行抵郵境已在啟壩第七日探查連日水勢消落甚速而過閩東堤新加子埝之堤頂露出水面尙僅二尺左右西堤在在殘缺堤頂民居坍塌毀柳株欹倒情形已可駭異迨聞居民所追述道路所談論謂當風暴未起時水未漫堤者僅數寸至大風驟起疊浪上堤奇險之狀殆難言喻車邏啟後風更加緊水仍不退南關啟後始日消二三寸不等土著者民均謂從未經此危險頗有談虎色變之意是日卽抵郵城工次查看玉馬頭誌水尙存一丈五尺七寸晤吳耆兩道所述當時危險情形與沿路所聞大畧相同遂會同兩道等先赴下游察看已啓之車邏南關兩壩及未啟之新壩車邏壩壩頭海漫石禦水一丈七尺四寸壩口寬六十四丈口門石脊平由七尺三寸是日該壩過水深八尺四寸壩內水面高壩下水面三尺二三寸南關壩壩頭海漫石禦水一丈七尺七寸壩口寬六十六丈口門石脊平由七尺五寸是日該壩過水深八尺二寸壩內水面高壩下水面約六尺零查該兩壩過水寬深相等而水面內外高下不同者車邏壩下分洩總口較窄河道紆曲流行既緩則荷包塘水面抬高南關壩下分洩總口較寬河道較直洩急而消速則荷包塘水面自低兩壩內外水高下互易職此之由新壩則土堰土埽橫亘水面依

然擁護可保不啓然查此壩壩口寬六十六丈口門石脊平由只有四尺而壩下分洩總口河道亦較寬較直則洩水更深更速設經啓放不止兼抵車南兩壩之水此次竭力守護挽回實多至車南兩壩洩量約大於運河洩量數倍當江湖頂托時若不大暢其歸海之路欲求一線東堤不患漫決必無幸也次日卽會勘上游各工東堤卑矮之處均加子埝工段甚多凡居西堤港口對岸之處皆有防風護埽埝埽均係搶加於未起風浪之前尙資得力其他出險之處及水溝浪窩窳潮滲濕隨時搶堵搶築者亦尙無疏漏之虞西堤則被風浪撞激土塌石亂共坍缺數十處合抱之柳連根拔倒者二三百株堤上民居冲倒畧盡勘至寶應暫停半日折回郵工調閱州縣廳汛水報及歷次稟電搶辦文件知當時防守之艱閱歷屆守壩之案知所守之尺寸爲數十年所未有爰以舊存之圖卷証以親歷之見聞乃於地勢水源略知梗概考運河形勢西高東下西堤之西爲暨社湖卽高郵湖對徑各數十里下接邵伯湖上接汜光白馬等湖再上則接連洪澤湖各湖延亘於皖蘇兩境數百里千里長淮所匯豫皖等省之水大半由湖入運已爲入江之尾閘東省沂泗諸水又以運河爲去路長河上下雖數百里而寬窄處牽算僅二三十丈本無容納諸水並漲之量下河七州縣均居東堤之東愈東愈窪高寶城堞之高僅與河堤相等河至半槽水面已高於民居之屋設有漫決幾如高屋建瓴爲害實不堪設想此職道照藜查勘水勢地勢及工程各壩之情形也本年伏汛盛漲既早且猛職道學廉康等先後聞報

駐工逾六月十二日五馬頭誌卷河水利卷至一丈五尺三寸已

土草麻袋駐工備用續派陸軍巡防隊哨携帶土器來工備助搶險無非爲得守且守之計職道學廉康等當以時距立秋常有旬餘下河秋稻未熟又聞隣省隣屬偏災迭告若秋前啟壩則產米之區民食告乏不獨人情恐慌且影響於隣省隣屬之災區者甚大於是抱定守壩宗旨冀維民食選派委員分段梭巡會同汛弁督率効兵遇有應行預備應行趕修之工隨稟隨辦以免疏虞仍由職道學廉康等督飭廳州帶同熟諳隨員上下巡察隨地指示辦法布置粗定至十四日水又增長五寸零共一丈五尺九寸零上游沂泗洪澤迭報增漲下游江潮亦同時報長內灌頂托歸江十壩雖開數壩而河水仍阻遏不消因查沙河壩爲歸江十壩之一距瓜口近向洩頂托之江潮若早日啓放則江潮有旁洩之路河流得順軌之益苟來源不湧車邏或可保守因有開沙河以保車邏之議亦略知洲田本濱大江沙壩之水仍洩入江於田禾似無大害但求速開救急不憚認助築費振款冀盡心力稟奉前護院樊暨提憲王撫憲瑞核准飭放十九日始准吳運司及揚州府縣電知於十八日啓放至二十一日口門始刷寬七丈過水不能暢速又因展轉磋商開運數日適值江潮益盛淮流愈猛之時洩不及長以致釜底抽薪之計驟難獲效去路旣弱不得不益重中流此職道學廉等駐工入手籌備及請啟沙壩之情形也當沙壩未啟之前湖河來源接漲不已十五日郵工水誌卽長至一丈六尺一寸零十六日則至一丈六尺四寸十七日則至一丈六尺六寸工情日緊深恐搶護之工或因款有不濟濡滯貽誤

則先行發款交廳汛領存會委隨機搶辦工土則准動用土牛積土並加價運土加廂繫枕等工則准動用存工儲料查東堤堤身舊頂除稍高者丈尺不計外禦水率至一丈八尺之譜凡卑矮之處則督令照此尺寸一律普加以爲堅守之計畫一切情形均經隨時電陳維時堤埝出水僅一尺餘固已日在危境卷查光緒三十二年前任淮揚海蒞道守至一丈六尺八寸卽電稟謂計窮力竭將車南新三壩次第啓放當誌水一丈六尺三寸時卽奉前提憲劉電飭謂考二十餘年成案無堅守至此者是十七日水誌已較蒞道啓壩時僅小二寸而爲三十二年以上二十餘年以來守局所無則同俄而西風忽起湖浪掀騰守志雖堅而險象百出啓壩應籌之預備不可不早卽經電稟陳明若風浪不息亦僅能如蒞道守至一丈六尺八寸卽請先開車邏一壩倘湖河來源有一減落或江湖大消仍當竭力堅守並當察看普加之工尙能抵禦若干再能無風雨沖激或能守至一丈七尺內外亦仍得守且守百姓生死悲愉之關僅爭此秋前數日斷不敢因稟陳在先拘執成見致失機宜等語旋奉提憲電開守至現在已屬不易倘若萬難防護之際卽可開壩宣洩以免潰決巨患又奉撫憲電開現距立秋近刈割在即苟非計窮力竭萬分危急盼堅持俟刈稻再放車邏望就近稟商提帥圖之各等因此職道學廉康等續籌抵禦盛漲熟酌守啟機宜並擬得守仍守及隨時搶護防維之情形也幸十八日雖素稱大潮信而風息浪平然水誌已長至一丈六尺七寸零十九日至一丈六尺九寸二十日則至一丈七

亦責成既切慰勉有加職道學廉康等中心徬徨莫知所主但竊議守壩所以保民食啟壩所以保民命每念紳民之屬望既深愧兩全無策而一回顧工情之危殆則惟有兩害取輕且查悉僅開車邏洩水河紆而行緩興化當衝亦只一隅水必七八日始達則又於逐日稟報工情水勢電內將來源日增去路日壅中滿已成患在旦夕情形披瀝上陳並聲明工情瞬息千變安危之機在於俄頃恐不及請示則一面電報一面先啟車邏車壩與南新輕重攸殊開車邏卽思所以保南新當奉撫憲電以既萬分危急斷難兩全只得放車邏一壩以保危堤又奉提憲電以倘至萬不得已時卽請就近發令啟壩各等因興化紳民來者目擊水滿堤危亦只求保至立秋啟壩惟乞緩開南新然職道學廉康等得守一寸且守一寸得守一刻且守一刻之初心迄猶堅定詎料是日午後西北風大起至二十三日立秋日黎明誌水已至一丈七尺三寸計逾蒯前道放壩時五寸矣湖河相連之處巨浪直射東堤以出水數寸之堤埦禦數十里湖浪之沖激二三百里長堤節節生險防不勝防搶護之力難以遍及不得已於立秋節二十三日辰刻請令督同廳州汛弁將車邏壩啟放旋奉前護院電開前電亦因紳民環籲保其秋收苟可勿開自宜堅守今既迫於水勢過盛萬無聽其潰決之理貴道堅守數旬已覘毅力今茲啟壩亦合時機惟開壩後辦理情形仍盼隨時電告等因此職道學廉康等守壩已逾定制三尺三寸計窮力竭啟放車邏壩之情形也當啟壩時狂風已一晝夜意謂當可稍衰既導此歸海出路盛漲亦

可漸落乃風則愈吼愈厲湖浪亦愈激愈高撲過西堤直撞東岸各汛迭報出險搶險在在可危工情較未開車邇尤緊郵民惶駭一日數驚堤上下居民於二十四夜間無不背負包裹扶老携幼沿堤坐立以便聞警卽奔郵界紳民環求開放南關大壩以保危堤而全民命情詞迫切職道學廉康等此時亦別無他策惟有堅忍撐持督率廳州委員汎弁等加派効兵巡護遇險卽搶與水爭頃刻之命以冀人定勝天須臾風止是以祇將險情電陳尙未敢請卽啓南關乃風則怒號三晝夜不止西堤被水激沒之處大木爲拔莫辨坍塌之多寡誌水至二十五日晨雖據報長至一丈七尺五寸而駭浪撞掣椿頂已沒究長若干莫能指實沿堤守工之人均浪浸衣履面無人色恐決堤巨害卽在呼吸郵紳民等復至籲求開壩適奉提憲復電令勿猶疑且以接郵境紳民公電迫切亦飭速啓南關遂於二十五日午刻督同廳州汎弁始將南關啓放職道學廉康等不顧考成負責冒險苦守此久逾定制應啓之壩原以下河民食所關故作僥倖萬一之想卒致天心難挽始願莫酬曷勝悚惕當請啟沙河壩時每懸一的以保守車邇自勵不得已而啟車邇又力任保守南新不意沙壩啓而車邇不能終保車邇啓而南關仍不能不放料事不明之咎實弗敢辭其言不驗之徵亦難自解惟天變不測人力難回懇款之愚尙求洞鑒所幸最吃重之新壩終獲力守較三壩齊啓者水勢淺深緩急大有不同耳南關啓後是晚風雖漸息誌水亦漸退落但從前場決之警往往在啓壩之後故職道學廉康等督飭廳汎於堤岸益

接見揚州府嵩守岫揚軍廳王丞飛翹高郵州姚牧崇義僉稱當日水勢驟增誌椿至一丈七尺數寸加以西風怒吼駭浪奔騰一線長堤數百萬生靈所繫吳道等雖苦心堅守而變在眉睫萬衆環求竟不能不易其初衷是兩壩之啟實處於迫不得已之勢所幸下河今年底水本小啟壩後湖水又未接漲自與歷屆情形不同職道照藜遂於初五日赴下河沿途察看水勢田禾初七日抵興化維舟三日該署縣呂令學正親赴四鄉調查回稱此次兩壩開後水來徐而不急截至七月初九日止共長水二尺八寸之譜四鄉形勢以西南近城一帶爲極窪向來多種早稻啟壩時尙未一律成熟凡垂熟者家家搶穫中稻不免沉沒東鄉各圩及北鄉高區中稻晚稻豆菽雜糧均實未傷水就通境田地計之沉沒於水者約二成立秋前後未盡成熟帶青搶穫者約二成餘撐到處暑已收割者約二成餘未收待割者約三成在田晚禾大率屬於東圩刈割以下旬爲期如果水不加厲圩岸保全秋成仍大有企望目下秋成分數尙難預算確數等語當派候補知縣潘令升南前往泰州東台詳查一面擬親往鹽城因風逆半途折回乃專差函詢鹽城王令紹曾復稱鹽邑田分三等上四十里較高中四十里次之下四十里與興化毗連地勢較低名曰漚田常年有水祇能種早稻及中和稻高田則稻麥兩熟全境早稻不及二成有已登場者中和稻約在六成尙未收到晚禾約有二成半未黃實自七月中旬至月底可一律全收鹽境水尙不大較三十二年放壩約小一尺有餘高田尙無大礙低處堆壘衛護不無稍

受影響亦不甚重統計鹽邑全境秋收可望中稔等語又先據高郵州姚牧崇義面稱高郵東境圩外田畝居十分之三四圩內田畝居十分之六七圩外田畝向種早禾已收十之七八惟中晚禾稻同付汪洋圩內田畝極力保護尙屬無恙可望秋成第湖西於未放壩前湖水漲滿而無消路以致水南各小圩破壞殆盡水北僅存兩大圩餘亦均淹沒通境收成究有幾成請俟新穀全登確勘方有把握等語又據寶應縣沈令定銑面稱寶境惟東鄉下七莊向受壩水本年水至甚緩圩埝均已加築可以禦水其餘南北兩鄉村莊尙不至於波及壩水向約半月或二十日方至本境察看東鄉水勢底水幸皆不大啓壩已十日壩水尙未漲至本境圩岸已切實加築田禾正在開花結穗七月二十左右方可刈割等語今日復得該令來電稱下七莊稻收無碍惟湖西一隅未開壩前卽被湖水淹沒情形較重云又查據泰州龍牧曜樞並委員復稱東南西三鄉均係高田極高之田有佈種豆秫雜糧者尙爲壩水所不及故無甚關碍惟西北鄉之田爲極窪恃有斜豐港長圩以禦壩水該圩爲東泰所接築泰境長六十里張務尖地方稍有缺口正在堵築沙子溝一帶圩岸出水有數尺丈餘不等圩內田低於水恃圩以爲屏蔽早稻登場甚多幸來水較緩再有旬日晚稻趕割秋成可無大碍河中水量現長至二尺餘惟斜豐港沿圩外一帶之地現均被淹爲數亦甚微末實收分數須俟晚稻收後方能確定等語又據東台縣何令元泰並委員復稱東台地居興化之東壩水由西入境向須七八日流到自范公堤入

惟地勢較高偷天晴水緩於收成當無大碍各圩督董堵築卽漲水亦可抵禦惟圩外當有七八莊村除早中兩稻已趕收外晚稻恐不及收割然亦僅居少數等語至委赴阜甯之王倅國楨尙未復到茲先據職道學廉所委之陳按經春祁所查稟復情形先行轉陳據稱向來運堤開壩計期三十餘日水始到阜其南境與鹽城接壤田禾甚稱豐足早稻半已登場惟八灘鎮中尖港安樂港五辛港孟工等處濱海地窪六月中旬下旬狂風驟雨海潮上湧沖決圩堤淹塌房屋數十間死者數人傷者十餘人情屬可憫業由該縣設法撫恤人心稍定然此皆雨水過大海潮漫溢所致實非壩水爲患容再逐鄉查察另行詳稟各等情據此伏查職道照藜所至之處留心察看沿途村居門前多有新黃草塚可爲早稻所收已有成數之明證其垂黃未黃之田禾圩塹整齊倘水不遽長似尙足資保護以待收割惟與高毗連之處現在均已淹水其中難免有晚稻未及收割之虞此職道照藜勘查下河各屬水勢田禾之情形也十四日折回高郵工次知誌水已落至一丈三尺九寸南關過水僅六尺四寸車邏過水僅六尺六寸啟壩兩旬來源日落計日推算下河之水似不至忽有劇漲職道學廉於啟壩後曾節次派員赴各屬勸視並飭各牧令具報卽檢齊已據復到之稟摺與職道照藜互證參稽其中日期各有先後於壩水已未到早稻已未割各情形雖未能一一盡合而高區及有圩各田可望有秋暨中和稻正收晚稻月半後開割下旬可以清場各節並寶泰東鹽皆可中稔與高雖偏隅被水而未被水之區

收成仍居多數阜甯雖有偏區被水而非壩水貽害各情形大略相同統計下河七州縣壩水所注高郵而下向以興化爲最重東台次之泰鹽寶阜又次之此次以下河底水極枯寬而能容故水行紆緩有到有不到之處卽所到之處水勢亦不見深廣七州縣中以興化最爲窪下而以興化之西南一隅爲更低然開壩已逾半月水始長至二尺八寸較之三十二年盛漲未開壩前水勢相等該縣東北鄉田畝較西南鄉加增一倍高阜及圩田不受水之處尙多現在天氣暢晴中晚稻刈穫在卽興化如此則他處僅受浸灌其無大碍也可知此實初意所不及料而亦數十年來歷屆開壩所未有也惟州縣之豐歉關繫錢糧之征緩征緩之分所爭祇一二分收成壩開而幸獲有收農佃轉有所希冀職道學廉仍當飭令各該府督飭各牧令俟新穀登場後切實查勘釐剔災熟造具確切分數冊摺稟候彙核詳辦至高興等屬低田被壩水之處及另有高寶湖西被湖水破圩並阜甯八灘鎮五辛港一帶被壩黃河水漫溢暨海潮倒灌各處皆不關壩水貽害者究應如何分別賑撫似應因時核定現奉憲台撫憲提憲加恩撥款辦理平糶擬並由職道學廉俟秋成勘定察看情形或酌量分撥糶糧或另求小爲賑撫之處應隨時請示酌核飭遵復查下河之幸免成災實由新壩未啟之效新壩之得以保全不啓實由南關壩苦守至安危利害間不容髮時始啟放所致設當車壩啟後工情加緊時卽將南關開放則嗣後兩晝夜狂風駭浪郵紳環求不已新壩仍不得不啟事後追維實屬至幸現截至本月十八日

計議所及意見相同高興各紳亦因利害切膚願貢獻修善後之策正在籌議條陳但土石均須運自遠方需款甚鉅除由職道照藜面陳外一俟水落再由職道學廉康等督飭廳汛委員先行核實估計逐細稟請核示遵行所有本年伏汛湖河奇漲搶護堤工及啟放車南兩壩始末細情並查勘下河各邑水勢田禾情形理合會同肅稟據實縷陳仰祈鑒核訓示祇遵再職道照藜會稟定稿後即先回省銷差職道學廉將各事稍爲結束亦即回浦署清理積牘補辦地方要公並海屬災賑職道康仍駐工料理未盡事宜於二十五日再行撤防合併陳明

敬再稟者下河各屬晚禾旣已查明除興高偏隅間有浸損此外多未被淹刻過處暑已旬日再有旬日不遇連陰晚禾即可豐登秋成均不失中稔惟高郵所屬之湖西水南水北二鄉因湖水破圩被災之情甚重緣該處坐落雙社湖灘圈湖爲田該湖又居寶應之白馬汜光湖下洪澤一經盛漲該兩鄉卽在巨浸之中全賴圩埝保護本年秋前洪澤淮源奇漲該處農民卽以圩將不守環求早日啟壩以救田禾當以郵壩爲保全下河而設斷不能曲徇一隅之請貽七州縣民食之害諭令回歸合力守圩以待汎水之落實由策乏兩全不得不忍而出此迨湖水日漲已聞有小圩不守至六月二十三四五日狂風駭浪三晝夜不息致水南水北各小圩破盡僅存水北兩大圩職道照藜由下河回郵卽親詣察勘職道學廉等因工務偶羈並派廳委隨往勘視各圩仍在水中一片湖光不分阡陌居民仍以不

早開壩環訴雖諭以舍小救大地勢使然惟情形實堪慘惻伏查該處自光緒三十二年或因守壩未啟或因啟壩較遲四年中僅獲一年之收民情困苦可知又寶應湖西各莊被水情事與高郵略同且濱湖之地亦屬頻年災歉據該縣沈令稟報民情亦望拯甚殷下河以啟壩故低田早稻未得一律搶割當蒙憲恩優加借款平糶接濟民食似此連年失收創鉅痛深之民視下河農民困苦倍甚將來冬春爲日甚長恐非平糶所能拯救明知一隅偏災例難請賑但觀此待斃之哀鴻不敢不破例上陳爲民請命可否恩施格外酌撥賑撫以慰喁望之處相應會銜肅泐附陳仰祈鑒核並乞批示祇遵

再附稟者近十年來守壩啟壩之機宜言人人殊莫衷一是職道學廉等觀車邏壩所立啟壩定制碑文內刊高郵地最窪下每值諸水匯流運河壩岸卽非常喫重設壩實爲減洩漲水最要關鍵自應按時啟放若欲守壩以慰農轉致漫溢爲民害不能不明定章程以備緩急等語由前淮揚劉道詳奉前漕運總督部堂張會同前署兩江總督部堂李於同治五年十一月具奏擬定立秋前高郵水誌長至一丈四尺啟放車邏每加四寸遞啟南中新壩如逾立秋則照一丈二尺八寸按章啟放等因奉

旨著照所請欽遵勒石曉示載在成案嗣於同治六年以迄光緒二十三年屢次啟壩攷當時歷屆水誌自一丈三尺八寸至一丈四五六尺卽爲最多二十七年准淮揚沈升道稟稱水漲堤險守壩未開卷查其時水誌只一丈四尺三寸但兩堤工程以款絀未能一律完固耳惟三十二年前淮揚副

道與提工局在道時至一丈六尺八寸始次等

漲如此增高尤近數十年所未有歷稽成案從無守至一丈七尺餘而始議啓壩者實因湖水盛漲之時水力最大一線長隄隨處可以出險往往守壩愈堅則潰隄之機愈急蓋卽 奏案碑文所云若欲守壩以衛農轉致漫溢爲民害衛農之益固多而漫溢之害則更大也考之郵誌咸豐十年七月初九水誌長至一丈七尺二寸高郵下游隄決小六堡及荷花塘等六處父老傳聞雖決口不過大而被水之區甚廣下河遠近悉成澤國秋成無望百物蕩然民甚苦之高郵上游之清水潭則百數十年迭決六次末次在同治五年現在工舊日員弁猶有目覩而知其事者先是興化朱紳謀爲保壩之舉斂集衆款帶領多人來郵助保三壩並幫加堰埽工程該紳民等力請堅守無虞雖汛漲日增官擬啓壩屢爲所阻而止迨六月二十九日水長至一丈七尺五寸漲力過甚始並開車邏南關兩壩已分洩不及而清水潭之二關卽同時潰決矣官書所稱六月二十七八啓放兩壩者乃當日公牘提前呈報也其潰決處東隄口門二百七十九丈西岸口門四百七十五丈湖水來河水奪溜橫趨奔騰浩瀚隄東各州縣淹斃人命無數沖沒田廬牲畜所值無慮數百千萬 國家蠲租賑卹外更堵築湖河兩隄又費鉅款不貲糜帑病民大傷元氣較之啓壩僅損低窪之地一季秋禾者兩害相形懸殊絕遠且壩水係順河道入海必沿途河蕩港汊皆不能容始溢出害稼並非高原下隰一旦盡沒洪流所以啟壩之由要在分洩盛漲原恐東隄潰決不由軌道水勢縱橫恣肆致成巨浸之災近歲以來盛漲不常防守較

易啓壩之年較少故多習於守壩以衛農然守壩固所以保民食啓壩尤所以保民命至危急之際事難兩全自以民命爲重故啟壩雖田禾受損而民命總得保全若如守壩轉致潰隄則民食民命同歸於盡矣因此職道學廉等於隄岸極危殆時權衡輕重不敢固執初議爲孤注之擲以蹈不測之險而貽無窮之害也所幸下河各區今夏底水淺涸壩水下注先有容納是以七州縣秋收不至成災縱有二三州縣偏隅受損無礙大局卽首當壩水之衝極低窪之興化通境牽算尙有六七成秋收則其他地勢較高去壩較遠之州縣更可類推而益見是民命保全之外民食亦所損者少所全者多此實天心仁愛憲台福庇有以致之非職道等所能爲力矣因查閱成案考詢舊說印證今昔情形利害重輕關繫頗鉅用敢剖析縷陳伏乞鑒察訓示並以待質駐工繼事之人臨穎不勝屏營之至

再另稟者竊照本年湖河水勢甚漲異常車南兩壩無可再守種種爲難情形詳具正稟惟深思保壩之說終屬冒險之舉故當危急時高郵紳民無不願棄其田環求開壩以保身命其初各縣紳民多求保壩者當時祇以民食爲重不暇計及其他萬一潰決則下河之民命田廬悉將同付東流無可挽救利害相較不可以道里計事後責言又不知若何風動潮湧矣痛定思痛可爲寒心而外界不察於職道此屆開壩事橫加譏評兼以誣謗如神州報紙所載殊足令人詫異者明知不根之論不足以蔽憲聰但恐後來駐工辦事之人憂謗畏譏專崇保壩之說至不可守而仍守致成潰決巨患則此言實爲

去如流矢且有六塘等河分洩入海又有沿河各閘以束其溜源遠流長於淮揚關係尙淺惟高寶各湖上承洪澤長淮之水下達運河近年西隄殘缺所在多有加以湖底淤墊日高一日每至夏令水漲一片汪洋風浪沖激節節危險且西隄切近湖濱乃東隄之外障西隄多有缺口及頂低之處每值盛漲湖河相連一遇西風數十里之湖浪直射東隄勢遠力猛大有岌岌不可終日之狀而凡有西堤頂高不過湖水之處則內河風浪較小此段東堤卽較安此職道所身親目覩閱歷而得者僅恃加高東堤不足以禦其急湍况東堤保守愈力西堤受損愈甚此屆之日夜狂風巨浪損壞尤多既不堅牢則東堤益形單薄僥倖萬一之想不可以策久長此西堤亟須修築加寬加高以爲東堤保障固有不得不然之勢也運河上受東水之流沙下有江潮之頂托中夾湖水之倒漾互相迎拒遂成中滿故高寶交界一帶水勢幾無上下游之分今春水涸之時舟楫滯攔不通幾及兩月千櫓駢集日在危機僅恃有機器挖泥船枝節節爲之程功甚緩不足濟事此籌款加辦挑濬之事良不容付之緩圖也下河一帶低田以患壩水故向只惟播種早稻立秋前五日內卽可刈割大汛乘漲放壩無所妨礙近年有力爲保壩之舉鄉民圖多一麥之利相率改種晚稻於是每至盛漲傳聞啓壩或佈散流言或湍聚哀阻如按照定制水誌啓放各壩不獨時有所不可實亦勢有所不能遂致高寶湖西民田以壩封水壅轉受其害揆之公理亦覺不均以後下河窪田仍宜重復舊章一律限種早稻以策兩全又泰東寶各

州縣較低之田多築有大圩小埂縱橫圍障故雖壩水到境圩埂外水高於田而圩埂內之田禾仍安然無恙從容計日收穫此職道所委各員周歷各鄉所目睹者惟興化西南鄉及高郵與興接界之區地勢既卑又無圩埂是以壩水放後田多被淹此又宜督勸興高偏隅之情農廣築圩埂永防水患之一義也至前署提憲徐奏陳興挑河道導運入海之議非不至善然爲款太鉅願大難酬職道謹就目前切迫各節力能勉辦者言之識見樛昧聊抒一得伏望盡謀廣運俯賜訓遵不勝至禱

督部堂張 申禁江甯府屬之高溇等縣菜市販私示文

出示嚴禁事照得江甯府屬之高溇溧水句容三岸界連浙鹽引地私梟出沒靡常每逢冬令販私尤多實於岸銷有碍現屆菜市誠恐梟黨故智復萌亟應重申禁令合行出示嚴禁爲此示仰軍民人等一體知悉凡有淮浙各私一概拏辦窩囤巨梟尤爲法所難容一經拏獲定行盡法懲治慎勿貪利忘害以身嘗試致貽後悔切切特示

督部堂張 嚴禁私運米糧出口示文

出示嚴禁事照得大江南北本屬產米之區乃近來米價日昂民生艱窘雖江北一帶間有偏災收成不免歉薄而實由奸商牟利私運出洋所致訪聞糧行販戶往往互相勾結或設棧包運或置船走私每以對渡爲名潛從港汊出口而長江水師各汛礮船與吳淞各局巡船又復與之勾通得賄賣放故此輩愈

禁禁嚴毋論何人不得干犯其水師炮船與各局巡船弁勇均屬在官人役尤當認真緝拏斷不容得有

禁綦嚴毋論何人不得干犯其水師砲船與各局巡船弁勇均屬在官人役尤當認真緝拏斷不容得賄
故縱自此次示禁之後倘敢陽奉陰違仍蹈故轍定將私販之奸商及故縱之弁勇分別嚴拏提案從重
懲辦決不姑寬各該軍民若能緝獲大幫私運出洋米糧除照章五成充賞外並酌量加提成數發給以
示鼓勵至內地米穀仍貴流通如此鄉運往彼鄉此縣運往彼縣接濟鄰境並非出洋者不在禁止之列
弁兵勇役亦不得誤會妄拏及藉端需索致干嚴究其各凜遵毋違特示

督部堂張

批金陵釐捐總局詳復賑糶米糧照案暫收釐金事竣分別撥還由

(錄原詳)

如詳辦理仰卽通飭各局員並備移藩司衙門轉飭購運糧米各委員一體遵照繳

詳復事竊奉憲台批本局詳請採辦賑糶米糧援照歷辦成案仍舊完釐另行撥還以杜弊端而資實
際候示祇遵由奉批據詳已悉賑糶米糧免納稅釐本爲平價恤民起見該局慮及奸商船戶藉照影
射擬援光緒二十三年辦法凡係平糶米穀雜糧經過各卡仍令照舊完釐將所收釐金另填捐票專
款存儲隨後撥還自係指商運而言應准照辦惟此次採購糧米舉辦平糶內有由官借款派員購運
者又與商運不同究竟此項官運米糧應如何辦理仰再妥爲籌議另詳察奪並候撫部院提部堂批
示繳摺存等因奉此查賑糶米糧不論官運商運暫免稅釐無非減輕成本加惠窮黎之意司道等前
擬援照成案暫收釐金仍予撥還係爲事求核實起見與賑務絲毫無損而夾帶影射諸弊可藉此以

嚴除擬請嗣後無論官商所運賑糶米糧凡執有各署局護照者仍應按章收捐另填專票隨時申報事竣之後即憑此票將所收捐款分別撥還各署局仍與免釐無異此次由官借款派員購運雖與商運不同而照收照撥於官款毫無出入不過藉以剔夾帶影射諸弊於釐捐實大有關繫且查上年蘇滬釐局詳稱無論軍漕賑米均擬照此辦理亦係指官商一律而言奉前撫憲行知有案茲奉前因理合據實詳復仰祈憲台鑒核迅賜批示以便分別飭遵實爲公便爲此備由開冊呈乞照詳施行須至書冊者

督部堂張 批蘇屬清理財政局詳送調取各處冊件期限表說並該局辦事進行表說由

據詳已悉所呈期限進行表兩表於人已之間交盡其責公而能通一切應辦之事自宣統元年起至五年全國預算成立日止縷晰條分互相貫注如能循序漸進自可日起有功蓋凡事必有條理而後可以言措施必先整齊而後可以言畫一在該司道等挈領提綱豫立程式亦足見該局員等精心果力共切研求使部章不致有逾而署局更無可諉披閱之下嘉慰良深仰即移行蘇屬各署局一體遵照辦理並由本部堂發交甯屬清理財政局參酌核辦仍錄報撫部院並候批示繳另詳粘發

督部堂張 批阜邑紳士王振金等稟騰包灘租再委密查由

查此案前據阜甯縣稟大學灘租款仍歸前董辦理經端前部堂批仰甯學司會同藩司查明該前董家

縣確切查明究竟何人家道殷實辦事可靠堪以包辦此項灘租毋使徒飽私囊務期有益公用妥速核議詳候飭遵此批稟抄發

督部堂張 批海州自治調查所職員殷克勤等稟設商船公會餘款補助自治經費請飭保護由所稟於商船困苦情形言之歷歷如果設立公會實能保護航路釐剔弊端所收會費羨餘又足供地方行政之用自應准其試辦仰淮揚海道轉飭海州體察情形核議詳復以憑察辦仍候撫部院提部堂批示此繳稟抄發

督部堂張 批無爲州監生汪光祖稟義舉累重懇求減繳開釋由

前據該府詳復汪駱氏上控承佃復凝洲力難認繳鉅款等情業經端前部堂批司核飭遵照在案茲據稟前情并求減繳將汪幹卿開釋等語仰安徽藩學兩司迅飭廬州府督同無爲州查明全案分別釋辦毋任久羈總之既係私產捐利充公未可使急公好義之子孫因之受累是爲至要稟抄發

甯藩司樊 札行巡檢張式璜稟請咨送法政學堂插班補習碍難照准文

行知事准法政學堂移開據分缺先補用巡檢張式璜稟請破格咨送法政學堂插班補習由等情據此查該員係暑假後入堂距開學時已兩學期如果勇於爲學竟能補習亦自可嘉堂中既尙有缺額應移貴堂酌核辦理除批示外移請查照有無缺額酌核辦理等因准此查敝堂別科官班授課已屆第三學

期學部新章稽核甚嚴每一學期須將全堂學生姓名籍貫人數造冊呈報敝堂官班雖有缺額若因此隨時插補將來三年畢業必干駁詰敝堂與學生兩有妨碍又部章第一學期之終第二學期之始准收插班學生至於一學年後未有明文敝堂亦未敢擅擬且各門科學有授課已終者斷非個人補習不假口授能明學理而有心得即每月積分係由平日試驗而得尤非一朝一夕所可驟獲種種困難難變通辦理曾經詳請前督憲端於考試候補縣丞何嶽靈等八名後截止札發在案該員張式璜係遵考驗外官章程取列一等原不在入學限制之例現復求入敝堂向學情殷有志法政殊堪嘉尙惟敝堂學年已滿限於部章未便插補舊班之處誠如前督憲端批示該員前稟所云但該員志尙可嘉敝堂未便令其向隅應即暫行存記將來考驗外官札發來堂員數如達六十人以上自可詳請續開一班俟開學有期該員即便來堂上課無須再行稟請貴司移送所有敝堂學年已滿碍難插班准該巡檢暫行存記移請查照并乞轉飭該員遵照等因准此合就行知札到該員即便知照此札

甯藩司樊 批銅山縣文生陳鴻湘稟控王惠齋修橋挖墓一案由

前據銅山縣詳復該生控案業經勘訊指駁因所求不遂捏詞上控並請押發當經批行在案茲據所稟一派空言硬辯祇與地方官計較行文來往日期足見好訟之名不虛本應押發姑再從寬嚴斥仰徐州府飭縣知照

病取保則病犯交保事理之常況係錢債細故耶所稱賄弄保釋以致懸案究竟是否屬實仰淮安府飭縣提傳質訊分別究斷毋延

甯藩司樊 批民人李廣興等稟夥同拐賣絕人宗支請嚴訊勒交由

該民子毛團子被唐游氏與張少甫夥同拐賣既經該縣訊有初供豈能無理狡翻况毛團子既已查明在鎮江賣出廈門即應由此根究李令斷不任其含糊了事究竟所稟是否屬實仰江甯府即飭該縣查照原案分別拘提訊究並設法查追毛團子給領完聚勿稍縱延

甯藩司樊 批文生周信功等稟書門一局民不聊生公叩飭提究辦由

佐雜擅受民詞本干例禁况門丁書吏藉案詐贓祝壽歛費如果屬實尙復成何事體至巡檢衙門竟有代書之目尤堪詫異仰海州迅即按照所稟密切查明究竟有無其事據實稟候核辦毋稍瞻徇切切稟批俱抄發

甯屬清理財政局 移詢甯省鐵路建築項下收支各款多不明晰請查明見復文 (一并黏單)

移詢事准貴處移送本年春季建築項下報告冊到局查核各款內多不甚明晰之處合行開單移詢爲此合移貴處請煩按款查明刻日見復望速須移

一來冊每月新收項下均列有錢莊生息一款是否即係舊管存款抑或另有別款按月如何結算請

聲復備查 一來冊每月列有石子石片一項惟三月分聲叙一正路一江口路綫其餘均未指明何處鋪用應請查明每方里需用石子石片若干某月用若干價若干用於何處工若干詳晰見復以憑考覈 一來冊正月分開除項下有鐵軌螺絲道釘道木一款請將建築某段應用計路長若干用鐵軌若干螺絲道釘若干道木若干某項需洋若干分晰見復備考 一來冊正月分開除項下有材料運費一款所運何料由何處運往何處均請查復 一來冊正閏兩月分開除項下橋木一款請聲明係造何處橋工應用計用木若干種某種需洋若干 一來冊正閏三等月均有支界石一款每塊洋若干某月計用若干塊用於何處請見復 一來冊正二兩月均支有白鐵房一款請聲明間數若干每間需洋若干坐落何所係備何項人居住抑係存儲物件 一來冊二閏兩月開除項下計有地價三款係購何處之地某處計若干畝每畝價若干請聲復 一來冊二閏兩月有支定造客車水車貨車及車座各款客車係何等次每輛需洋若干水車貨車共幾輛各價若干車座若干每座價若干是 否均已交貨請查復並檢合同送閱 一來冊二月分開除項下月臺一款係修何處月臺計用工料若干每項物料需洋若干請聲復 一來冊二月分有支橋工及橋工鐵器各一款係修何處橋工有無估單所用何項鐵器請查復 一來冊二月分有支土方點工一款計用土若干工若干請復 一 來冊二二三兩月各支有工程司寫字間一款工程司既有薪水何以又有寫字間之開銷是否於合同

二月內有支煤臺水臺木柵欄各一款均係安設何處各用木料鐵器若干有無發票請聲復 一來冊閏二月內有支督署中正街員司住房一款計若干間每間估價若干有無估單請聲復 一來冊有支洋監工薪水一款請將員名薪數見復 一來冊三月分有支各站木笆柵門一款此門共用若干闔每闔價若干請聲復 一來冊三月內有支滬甯租車一款請聲明共租幾輛是暫租抑係常租 一來冊三月內有支格林森川資一款因何事務往來何所爲日幾何何以由管理處開支川費請聲復 一來冊三月內有支橋工車站各圖一款是照是繪請復

甯屬清理財政局 札飭湖口船廠將增銷一款刻日明白具復以憑核編文

札飭事案查該廠申送宣統元年春夏兩季出入報告冊內均有增銷一款並據另文聲叙舊章每錢千文作銀五錢九分八釐嗣於光緒八年十五年二十一年二十三年陸續增加於二十四年酌減現仍每錢千文增銷銀二錢二分七釐細繹當日所以增銷之故似因支錢銷銀而銀有定價銀賤則有賠墊之虞是以酌予變通免爲承辦者之累然現在銀價奇昂何以仍存此項名目殊難索解合亟札飭札到該員即便遵照指飭刻日明白具復以憑核編毋違特札

江南籌辦地方自治總局 批自治研究所自費班畢業生陳鼎昌等稟前稟無效再公推代表求

示祇遵由

該生等前次具稟來局自稱全體學員跡近匿名稟牘本局向不批示茲復據稟陳各節查部頒自治研究所章程第二條第一屆講員畢業後卽行派赴各屬係指第七條各府廳州縣派送之士紳聽講員而言若謂畢業後概可分派各屬本局既無此定章大部亦未經規定况研究所之設係爲研求自治法理開通知識起見將來自治發達何患無可辦之事該生等如果學有所得聲望卓著各屬方爭聘之不暇如桃源縣之聘請研究所學生秦家驥是其明証該生等須知躍冶者必非祥金自媒者必非姝子所請分派各屬之處應無庸議此批

江南籌辦地方自治總局 批江都甘泉兩縣申報江甘籌辦地方自治公所現已成立並呈規約及辦事調查各員姓名摺乞賜查考由

申摺均悉江甘近在同城合辦籌備自治事務所事屬可行所擬規約亦尙妥協應准試辦卽督飭該紳等切實進行隨時稟報本局查核此批摺存

張文襄公遺摺

奏為

天恩未報臣病垂危伏枕哀鳴恭摺仰祈

聖鑒事竊臣於本年五月感患肝胃氣痛疊蒙

聖慈賞假調治嗣於本月二十一日因病勢沈重奏請開缺恭奉

上諭張之洞奏請開去各項差缺一摺大學士張之洞公忠體國夙著勤勞茲因久病

未痊朕心時深匪念著再行賞假毋庸拘定日期安心療養病痊即日銷假入直並

賞給人蔭二兩俾資調攝所請開去差缺之處著毋庸議欽此並蒙

監國攝政王親臨臣寓視疾

恩遇優渥感激莫名無如病勢已深醫藥罔效虛邪日甚正氣潛消迨至二十二日申

酉之交加以痰壅氣隊汗出如瀉氣息僅屬生機將盡永違

覆幃圖報無期言念及茲涕洟橫集伏念臣秉性愚庸毫無學術遭逢

先朝特達之知

南洋五日官報
殿試對策指陳時政蒙

孝貞顯皇后

孝欽顯皇后拔置上第遇合之隆雖宋宣仁太后之於宋臣蘇軾無以遠過備員詞館洊升內閣學士凡有所見剴切直陳均荷

優納嗣蒙

恩簡授山西巡撫繼復奉

命總督兩廣湖廣再權兩江際

德宗景皇帝勵精圖治臣仰秉

廟謨竭蹶從事忝膺疆寄幾三十年雖轄境幸得粗安而中更事變憂患紛乘末由防弭於幾先類皆補苴於事後凡所設施動與願違勞而鮮功夙夜負疚復膺

殊遇擢授閣職參預機務入直以來正深祇懼重遭

國恤

兩宮升遐幸我

聖躬大局獲安人心望治臣雖年逾七十猶思竭其愚慮裨補

聖明何期衰病侵尋寢致縣愒臣平生以不樹黨援不殖生產自勵他無所戀惟時局

艱虞未能補救

累朝知遇未能仰酬將死鳴哀不敢不據其愚忠泣陳於

聖主之前當此

國步維艱外交日棘民窮財盡百廢待興

朝廷方宵旰憂勤豫備立憲但能自強不息終可轉危爲安伏願我

皇上親師典學發憤日新所有因革損益之端務審先後緩急之序滿漢視爲一體內

外必須兼籌理財以養民爲本恪守

祖

宗永不加賦之規教戰以明恥爲先無忘古人不戢自焚之戒至用人養才尤爲國家根

本至計務使明於尊親大義則急公奉上者自然日見其多方今世道陵夷人心

放恣奔競賄賂相習成風尤願我

皇上登進正直廉潔之士凡貪婪好利者概從屏除舉直錯枉雖無赫赫之功而默化潛移國家實受無窮之福正氣日伸國本自固凡此愚誠之過計皆爲聖德所優爲儻荷

聖明采擇則臣雖死之日猶生之年抑臣尙有經手未完事件粵漢鐵路鄂境川漢鐵路籌款辦法迄今未定擬請

旨飭下郵傳部接辦以重路事鐵路股本臣嚮持商民各半之議此次川漢粵漢鐵路關繫繁重必須官爲主持俾得早日觀成並准本省商民永遠附股一半藉爲利用厚生之資此尤臣於彌留之際不能不披瀝上陳者也謹口授遺摺叩謝

天恩伏乞

皇上聖鑒謹

奏

憲大政郵特准掛號立券之郵件

本報五日一冊每月報資大洋七角

局設南京省城藩署後全福巷內

西曆一千九百九年十月十八號 禮拜一